



Broj: 02-50-6-16-10/15

Sarajevo, 14.10.2015.

PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE

n/r Borjane Krišto, predsjedavajuće

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 15-10-2015			
Organizaciona jedinica	Klasifikaciona oznaka	Redni broj	Broj priloga
01/02	02-1-19/15		


B

Na 10. sjednici, održanoj 14.10.2015., Dom naroda Parlamentarne skupštine BiH usvojio je Prijedlog zakona o dopuni Zakona o jedinstvenom matičnom broju po hitnom postupku, u skladu s članom 124. Poslovnika Doma naroda, zakon broj: 02-02-1-19/15, od 5.10.2015., predlagач: delegat Sredoje Nović.

U skladu s članom 119. stav (1) Poslovnika Doma naroda Parlamentarne skupštine Bosne i Hercegovine („Službeni glasnik BiH“, broj 58/14), u prilogu Vam dostavljam navedeni zakon radi razmatranja i usvajanja.

Predlažemo da se Zakon razmatra po hitnom zakonodavnom postupku, u skladu s članom 133. Poslovnika Predstavničkog doma Parlamentarne skupštine BiH.

S poštovanjem,



PREDSEDavajući  
DOMA NARODA

Bariša Čolak

*Bariša Čolak*

Prilog:

- tekst Zakona na bosanskom, hrvatskom i srpskom jeziku.

Dostaviti:

- naslovu
- a/a

## PRIJEDLOG

Na osnovu člana IV, 4. a) Ustava Bosne i Hercegovine, Parlamentarna skupština Bosne i Hercegovine, na \_\_\_ sjednici Predstavničkog doma, održanoj \_\_\_.2015. godine, i na \_\_\_ sjednici Doma naroda, održanoj \_\_\_.2015. godine, donijela je

### ZAKON O DOPUNI ZAKONA O JEDINSTVENOM MATIČNOM BROJU

#### Član 1.

U Zakonu o jedinstvenom matičnom broju („Službeni glasnik BiH“, br. 32/01, 63/08, 103/11 i 87/13) u članu 5. stav 1. tačka 2. iza riječi „Petrovo,“ dodaje se riječ „Stanari,“.

#### Član 2.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH broj: \_\_\_\_\_/15  
Sarajevo \_\_\_\_\_ 2015.

Predsjedavajući  
Predstavničkog doma  
Parlamentarne skupštine BiH

Predsjedavajući  
Doma naroda  
Parlamentarne skupštine BiH

## **O B R A Z L O Ž E N J E**

### **I. USTAVNI OSNOV**

Ustavni osnov za donošenje ovog zakona sadržan je u članu IV. 4. a) Ustava Bosne i Hercegovine, prema kojem je Parlamentarna skupština Bosne i Hercegovine ovlaštena za donošenje zakona.

### **II. RAZLOZI ZA DONOŠENJE ZAKONA**

Razlozi za donošenje Zakona o dopuni Zakona o jedinstvenom matičnom broju (u daljnjem tekstu: Zakon), sadržani su u potrebi uvažavanja inicijative Ministarstva unutrašnjih poslova Republike Srpske kako slijedi:

Zakonom o osnivanju općine Stanari („Službeni glasnik Republike Srpske“, broj 83/14) osnovana je općina Stanari, izdvajanjem mjesta Stanari i još 13 manje naseljenih mjesta koja su bila u sastavu grada Doboja. Navedenim zakonom utvrđuju se određene obaveze i rokovi za formiranje organa lokalne samouprave, pa je samim tim postojala i potreba za osnivanjem odgovarajućih službi koje su u nadležnosti Ministarstva unutrašnjih poslova Republike Srpske.

U vezi s tim, Ministarstvo unutrašnjih poslova RS izvršilo je odgovarajuće analize i obavilo sve potrebne pripreme u prostornom, materijalno-tehničkom i kadrovskom smislu, kako bi omogućilo nesmetano otpočinjanje procesa pružanja usluga građanima iz oblasti izdavanja ličnih dokumenata, registracije vozila, registracije oružja i municije i drugih upravnih unutrašnjih poslova iz svoje nadležnosti.

Međutim, u postupku određivanja JMB državljanima BiH pojavio se problem za čije otklanjanje je neophodno izvršiti odgovarajuću izmjenu Zakona o JMB.

Konkretno, riječ je o činjenici da u postupku po zahtjevu za određivanje JMB u elektronskoj aplikaciji sistema na spisku općina, odnosno registracijskih područja, nema općine Stanari te se iz tog razloga ne može provesti postupak određivanja JMB. Registracijska područja određena su članom 5. Zakona o JMB državljana BiH („Službeni glasnik BiH“, br. 32/01, 63/08, 103/11 i 87/13).

Da bi se općina Stanari uvrstila kao registracijsko područje u navedenoj aplikaciji, neophodno je izvršiti dopunu Zakona u tom smislu, tako što bi se u članu 5. stav 1. tačka 2. Zakona, kojem su određeni registri IV. grupe u Republici Srpskoj, osim navedenih registracijskih područja za broj registra 12, dodalo i registracijsko područje Stanari, kako je i predloženo.

### **III. PRINCIPI NA KOJIMA JE PRIJEDLOG ZAKONA ZASNOVAN**

Osnovni princip na kojem je Prijedlog zakona zasnovan je princip poštivanja ljudskih prava, s obzirom na to da je bez ove izmjene nemoguće izvršiti, između ostalog, i određivanje jedinstvenog matičnog broja, a potom i izdavanje ličnih dokumenata građanima.

Također, Prijedlog zakona zasnovan je na principu usklađenosti zakonodavstva u Bosni i Hercegovini.

### **IV. USKLAĐENOST PROPISA S EVROPSKIM ZAKONODAVSTVOM**

U Mišljenju Direkcije za evropske integracije na raniji prijedlog zakona (prilikom prethodne izmjene Zakona o JMB), između ostalog, navedeno je da je analizom primarnih i sekundarnih izvora prava Evropske unije utvrđeno da materija koja se uređuje Prijedlogom zakona nije regulirana pravno obavezujućim aktima Evropske unije, te da u konkretnom slučaju nije moguće dati ocjenu o usklađenosti.

#### **V. MEHANIZMI ZA PROVOĐENJE I NAČIN OSIGURAVANJA POŠTIVANJA PROPISA**

Provođenje zakona osigurava se u okviru institucija Ministarstva civilnih poslova Bosne i Hercegovine, Agencije za identifikacione dokumente, evidenciju i razmjenu podataka Bosne i Hercegovine i nadležnih organa entiteta, kantona i Brčko Distrikta BiH.

#### **VI. PROCJENA FINANSIJSKIH SREDSTAVA POTREBNIH ZA PROVOĐENJE ZAKONA**

Provođenje Zakona ne zahtijeva dodatna sredstva iz budžeta institucija BiH.

#### **VII. OPIS KONSULTACIJA**

Prijedlog zakona o dopuni Zakona o jedinstvenom matičnom broju je vrlo jednostavan i rezultat je usaglašavanja zakonodavstva u Bosni i Hercegovini, te dodatne konsultacije nisu potrebne.

#### **VIII. OBRAZLOŽENJE POJEDINIH PRAVNIH RJEŠENJA**

Članom 1. Prijedloga zakona mijenja se član 5. stav 1. i tačka 2., tako da se iza riječi „Petrovo“ dodaju riječi „Stanari“ i zarez.

Članom 2. Prijedloga zakona utvrđeno je da Zakon stupa na snagu osmog dana od dana objavljivanja u „Službenom glasniku BiH“.

## ODREDBA KOJA SE DOPUNJAVA

### Član 5.

Registri (IV. grupe) u Republici Srpskoj su:

1. Broj registra 11 za registracijska područja: Banja Luka, Čelinac, Gradiška, Istočni Drvar, Jezero, Knježevo, Kostajnica, Kotor-Varoš, Kozarska Dubica, Krupa na Uni, Kupres, Laktaši, Mrkonjić Grad, Novi Grad, Oštra Luka, Petrovac, Prijedor, Prnjavor, Ribnik, Srbac i Šipovo.
2. Broj registra 12 za registracijska područja: Bijeljina, Brod, Derвента, Doboj, Donji Žabar, Lopare, Modriča, Pelagićevo, Petrovo, Teslić, Ugljevik, Vukosavlje i Šamac.
3. Broj registra 13 za registracijska područja: Bileća, Berkovići, Bratunac, Čajniče, Foča, Gacko, Han-Pijesak, Istočna Ilidža, Istočni Mostar, Istočni Stari Grad, Istočno Novo Sarajevo, Kalinovik, Ljubinje, Milići, Nevesinje, Novo Goražde, Osmaci, Pale, Rogatica, Rudo, Srebrenica, Sokolac, Šekovići, Trebinje, Trnovo, Višegrad, Vlasenica i Zvornik.

Registar (IV. grupe) za Brčko Distrikt Bosne i Hercegovine je:

1. Broj registra 14 za registracijsko područje: Brčko Distrikt Bosne i Hercegovine.

Registri (IV. grupe) u Federaciji Bosne i Hercegovine su:

1. Broj registra 15 za registracijska područja: Čapljina, Čitluk, Grude, Jablanica, Konjic, Ljubuški, Mostar, Neum, Posušje, Prozor, Rayno, Stolac i Široki Brijeg.
2. Broj registra 16 za registracijska područja: Bihać, Bosanska Krupa, Bosanski Petrovac, Bosansko Grahovo, Bužim, Cazin, Drvar, Glamoč, Ključ, Kupres, Livno, Sanski Most, Tomislavgrad i Velika Kladuša.
3. Broj registra 17 za registracijska područja: Centar Sarajevo, Foča, Goražde, Hadžići, Ilidža, Ilijaš, Novo Sarajevo, Pale, Sarajevo Novi grad, Sarajevo Stari grad, Trnovo i Vogošća.
4. Broj registra 18 za registracijska područja: Banovići, Čelić, Doboj-Istok, Domaljevac-Šamac, Gračanica, Gradačac, Kalesija, Kladanj, Lukavac, Odžak, Orašje, Sapna, Srebrenik, Teočak, Tuzla i Živinice.
5. Broj registra 19 za registracijska područja: Bugojno, Breza, Bušovača, Doboj-Jug, Dobretići, Donji Vakuf, Fojnica, Gornji Vakuf, Jajce, Kakanj, Kiseljak, Kreševo, Maglaj, Novi Travnik, Olovo, Travnik, Tešanj, Ušora, Vareš, Visoko, Vitez, Zavidovići, Zenica i Žepče.

**NEZVANIČNI PREČIŠĆENI TEKST ZAKONA  
O JEDINSTVENOM MATIČNOM BROJU  
-ZA INTERNU UPOTREBU-**

("Službeni glasnik BiH", br. 32/01, 63/08, 103/11 i 87/13)

**Poglavlje I. OPĆE ODREDBE**

**Član 1.**

Ovim zakonom propisuje se određivanje, dodjeljivanje, upisivanje, korištenje, evidencija, struktura, poništenje i zamjena jedinstvenog matičnog broja (u daljnjem tekstu: JMB) državljana Bosne i Hercegovine i stranih državljana u Bosni i Hercegovini.

Postupak obrade podataka iz ovog zakona vrši se u skladu sa Zakonom o zaštiti ličnih podataka („Službeni glasnik BiH“, broj 49/06) i Zakonom o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), (u daljnjem tekstu: Zakona o Agenciji).

**Član 2.**

Svakom državljaninu BiH i stranom državljaninu u BiH dojeljuje se JMB u skladu s ovim zakonom.

U smislu ovog zakona:

- a) državljanima se smatraju lica kojima je priznat status državljana Bosne i Hercegovine prema odgovarajućem zakonu,
- b) stranim državljanima se smatraju lica koja nemaju državljanstvo Bosne i Hercegovine, ali ispunjavaju uslove iz člana 30. ovog zakona,
- c) izbjeglicom iz BiH smatra se lice kojem je priznat status izbjeglice prema odgovarajućem zakonu,
- d) raseljenim licem u BiH smatra se lice kojem je priznat status raseljenog lica prema odgovarajućem zakonu, ili koje je podnijelo zahtjev za dojelu tog statusa,
- e) dokaz o državljanstvu BiH pruža se ispravom ili drugim sredstvom koje je priznato kao dokaz o državljanstvu BiH prema odgovarajućem zakonu,
- f) povratnici su državljani BiH iz inozemstva, ili raseljena lica, koji su se vratili, ili su u postupku vraćanja u svoje prebivalište prije sukoba. Ova lica smatrat će se povratnicima dok im ne bude izdata lična karta od organa vlasti u mjestu prebivališta prije sukoba. Da bi se lice smatralo povratnikom, nije potrebno da se vrati na adresu na kojoj je živjelo prije sukoba.

**Član 3.**

Određivanje, poništavanje i zamjenu JMB-a u okviru svoje nadležnosti vrše u Federaciji BiH kantonalna ministarstva unutrašnjih poslova, u Republici Srpskoj Ministarstvo unutrašnjih poslova RS-a i u Brčko

Distriktu BiH nadležni organ koji funkcionalno djeluje kao državna institucija (u daljnjem tekstu: nadležni organ).

Jedinstveni matični broj određuje nadležni organ prema prebivalištu državljanina, izuzev jedinstvenih matičnih brojeva koji se određuju raseljenim licima u boravištu raseljenog lica.

Nadležni organ rješava kao drugostepeni organ u žalbenom postupku na odluke tog organa koji je rješavao u prvom stepenu za određivanje, poništavanje i zamjenu JMB-a.

Stranka nezadovoljna odlukom drugostepenog organa može uložiti žalbu Ministarstvu civilnih poslova BiH (u daljnjem tekstu: MCP).

## **Poglavlje II. STRUKTURA JMB-a**

### **Član 4.**

JMB je individualna i neponovljiva oznaka identifikacionih podataka o licu i sastoji se od 13 cifara svrstanih u 6 grupa, i to:

- I. grupa - dan rođenja (dvije cifre)
- II. grupa - mjesec rođenja (dvije cifre)
- III. grupa - godina rođenja (tri cifre)
- IV. grupa - broj registra JMB - registraciona područja (dvije cifre)
- V. grupa - kombinacija spola i rednog broja za lica rođena istog dana (tri cifre) - muškarci 000-499 - žene 500-999
- VI. grupa - kontrolni broj (jedna cifra).

### **Član 5.**

Registri (IV. grupe) u Republici Srpskoj su:

1. Broj registra 11 za registraciona područja: Banja Luka, Čelinac, Gradiška, Istočni Drvar, Jezero, Kneževo, Kostajnica, Kotor Varoš, Kozarska Dubica, Krupa na Uni, Kupres, Laktaši Mrkonjić Grad, Novi Grad, Oštra Luka, Petrovac, Prijedor, Prnjavor, Ribnik, Srbac i Šipovo,
2. Broj registra 12 za registraciona područja: Bijeljina, Brod, Derventa, Doboj, Donji Žabar, Lopare, Modriča, Pelagićevo, Petrovo, Stanari, Teslić, Ugljevik, Vukosavlje i Šamac,
3. Broj registra 13 za registraciona područja: Bileća, Berkovići, Bratunac, Čajniče, Foča, Gacko, Han Pijesak, Istočna Ilidža, Istočni Mostar, Istočni Stari Grad, Istočno Novo Sarajevo, Kalinovik, Ljubinje, Milići Nevešnje, Novo Goražde, Osmaći, Pale, Rogatica, Rudo, Srebrenica, Sokolac, Šekovići, Trebinje, Trnovo, Višegrad, Vlasenica i Zvornik.

Registar (IV. grupe) za Brčko Distrikt Bosne i Hercegovine je:

1. Broj registra 14 za registraciono područje: Brčko Distrikt Bosne i Hercegovine.

Registri (IV. grupe) u Federaciji Bosne i Hercegovine su:

1. Broj registra 15 za registraciona područja: Čapljina, Čitluk, Grude, Jablanica, Konjic, Ljubuški, Mostar, Neum, Posušje, Prozor, Ravno, Stolac i Široki Brijeg,

2. Broj registra 16 za registraciona područja: Bihać, Bosanska Krupa, Bosanski Petrovac, Bosansko Grahovo, Bužim, Čazin, Drvar, Glamoč, Ključ, Kupres Livno,, Sanski Most, Tomislavgrad i Velika Kladuša.
3. Broj registra 17 za registraciona područja: Centar Sarajevo, Foča, Goražde, Hadžići, Ilidža, Ilijaš, Novo Sarajevo, Pale, Sarajevo Novi Grad, Sarajevo Stari Grad, Trnovo i Vogošća.
4. Broj registra 18 za registraciona područja: Banovići, Čelić, Doboj-Istok, Domaljevac-Šamac, Gračanica, Gradačac, Kalesija, Ključanj, Lukavac, Odžak, Orašje, Sapna, Srebrenik, Teočak Tuzla i Živinice.
5. Broj registra 19 za registraciona područja: Bugojno, Breza, Busovača, Doboj-Jug, Dobretići, Donji Vakuf, Fojnica, Gornji Vakuf, Jajce, Kakanj, Kiseljak, Kreševo, Maglaj, Novi Travnik, Olovo, Travnik, Tešanj, Usora, Vareš, Visoko, Vitez, Zavidovići, Zenica i Žepče.

#### **Član 5a.**

Jedinstveni matični broj koji je određen po propisima donesenim prije usvajanja ovog zakona, a kojima su bila određena registraciona područja i nazivi općina u Bosni i Hercegovini neće se mijenjati.

#### **Član 6.**

MCP određuje raspone brojeva za grupu V. iz člana 4. ovog zakona.

#### **Član 7.**

Kontrolni broj (grupa VI.) određuje se pomoću kompjuterskog modula 11 prema uputstvu MCP-a.

### **Poglavlje III. DODJELA JMB-a**

#### **Član 8.**

JMB za građane rođene u Bosni i Hercegovini dodjeljuje nadležni organ po mjestu rođenja u kojem je upisan u matičnu knjigu rođenih u BiH.

#### **Član 9.**

Nadležni organ po službenoj dužnosti dodjeljuje JMB građanima rođenim u Bosni i Hercegovini prilikom upisa u matične knjige rođenih u Bosni i Hercegovini.

Nadležni organ dužan je djetetu dodijeliti JMB u roku od 15 dana od dana upisa u matične knjige rođenih.



## Član 10.

Državljaninu BiH rođenom u inozemstvu JMB dodjeljuje nadležni organ u mjestu posljednjeg prebivališta roditelja u BiH. Ako je samo jedan roditelj imao prebivalište u BiH, tom državljaninu JMB dodjeljuje nadležni organ u tom mjestu. Ako su roditelji imali različita prebivališta u BiH, lice se JMB može dodijeliti u jednom ili drugom prebivalištu. Ako nijedan od roditelja nije nikada imao prebivalište u BiH, lice upisuje nadležni organ u mjestu u BiH s kojim jedan ili oba roditelja mogu uspostaviti efektivnu vezu.

U roku od 30 dana od dana upisa državljanina u matične knjige rođenih, roditelj, staratelj ili zakonski zastupnik djeteta podnosi zahtjev za dodjelu JMB-a djetetu.

Lice koje podnosi zahtjev za dodjelu JMB-a djetetu u smislu prethodnog stava obavještava najbliže diplomatsko-konzularno predstavništvo BiH (u daljnjem tekstu: DKP) o rođenju djeteta i dostavlja izvod iz matične knjige rođenih i dokaz o državljanstvu BiH djeteta. DKP dostavlja ovu informaciju Ministarstvu vanjskih poslova BiH. Ministarstvo vanjskih poslova BiH tu informaciju proslijeđuje MCP-u.

MCP dostavlja informaciju o rođenju djeteta, uz odgovarajuću dokumentaciju, nadležnom organu u BiH koji je odredilo lice iz prethodnog stava.

Nadležni organ dužan je da dodijeli JMB u roku od 15 dana od dana prijema zahtjeva za dodjelu JMB-a iz prethodnih stavova ovog člana. Nadležni organ odmah obavještava lice koje je podnijelo zahtjev na način opisan u st. 3. i 4. ovog člana, kao i nadležni matični ured.

Podnošenje zahtjeva i izvještavanje podnosioca zahtjeva o dodijeljenom JMB-u iz st. 3., 4. i 5. ovog člana može se obaviti elektronskim putem između DKP-a BiH i nadležnog organa. Podnosilac zahtjeva za dodjeljivanje JMB-a elektronskim putem dužan je, prilikom podnošenja zahtjeva, priložiti izvod iz matične knjige rođenih i dokaz o državljanstvu BiH koji se dostavlja nadležnom organu u BiH.

## Član 11.

Licu koje stiče državljanstvo BiH naturalizacijom ili usvajanjem ili međunarodnim ugovorom u skladu sa Zakonom o državljanstvu BiH, a koje je rođeno izvan teritorije BiH i koje nema JMB, JMB dodjeljuje nadležni organ u posljednjem mjestu odobrenog boravka u BiH ili nadležni organ u mjestu u BiH s kojim to lice može ostvariti efektivnu vezu. Sva lica iz ovog stava dužna su da se prijave za dodjelu JMB-a u roku od 30 dana od dana sticanja državljanstva BiH.

## Član 12.

Licu koje stiče državljanstvo BiH na osnovu člana 11. ovog zakona i kojem je dodijeljen JMB u jednoj od bivših republika SFRJ odredit će se jedinstveni matični broj BiH.

### Član 13.

Dio matičnog broja lica koji se odnosi na dan rođenja (I. grupa), mjesec rođenja (II. grupa), godinu rođenja (III. grupa) i spol (V. grupa) određuje nadležni organ na osnovu podataka o tom licu iz izvoda iz matične knjige rođenih.

### Član 14.

Član 14. briše se.

### Član 15.

Od lica koje podnosi zahtjev za dodjelu JMB-a uzimaju se sljedeći podaci:

1. ime
2. prezime
4. ime jednog roditelja
5. prezime navedenog roditelja
6. spol
7. datum rođenja
8. mjesto rođenja
9. općina rođenja
10. država rođenja
11. poštanski broj
12. adresa
13. entitet
14. kanton (ako odgovara)
15. državljanstvo
16. promjena imena
17. svi prethodni JMB
18. promjena spola
19. status JMB (tj. državljanin ili stranac).

### Član 16.

Državljaninu BiH dodjeljuje se samo jedan JMB. Isti JMB može se dodijeliti samo jednom licu.

Prilikom promjene prebivališta odnosno boravišta lice zadržava JMB.

#### **Poglavlje IV. KORIŠTENJE JMB-a**

##### **Član 17.**

Ukoliko je to propisano zakonom, organi i druga pravna lica koja na osnovu zakona vode evidencije o građanima i na osnovu tih službenih evidencija izdaju javne isprave dužna su koristiti JMB.

##### **Član 18.**

Samo ako je to zakonom izričito propisano, JMB se upisuje u ličnu kartu, izvod iz matične knjige rođenih, vjenčanih i umrlih, radnu knjižicu, zdravstvenu legitimaciju, putnu ispravu, vozačku dozvolu, oružni list, evidenciju o državljanstvu, kao i druge evidencije i javne isprave građana.

Propis o načinu obrade JMB-a u evidencijama i javnim ispravama iz prethodnog stava donosi organ koji je zakonom određen da donese propise o vođenju tih evidencija i izdavanju javnih isprava.

##### **Član 19.**

Prilikom promjene prebivališta JMB se upisuje u potvrdu o prijavi, odnosno odjavi prebivališta.

##### **Član 20.**

JMB upisan u ličnu kartu služi kao osnov za upisivanje JMB-a u sve druge javne isprave i evidencije.

#### **Poglavlje V. EVIDENCIJA JMB-a**

##### **Član 21.**

Agencija za identifikacione dokumente, evidenciju i razmjenu podataka BiH (u daljnjem tekstu: Agencija), u skladu sa Zakonom o Agenciji, putem elektronske obrade podataka vodi i održava centralnu evidenciju JMB-a (u daljnjem tekstu: centralna evidencija).

Entitetska ministarstva unutrašnjih poslova mogu voditi i održavati elektronsku evidenciju o JMB-u na području entiteta.

Nadležni organ vodi i održava lokalnu evidenciju JMB-a (u daljnjem tekstu: lokalna evidencija) putem elektronske obrade podataka u okviru svoje nadležnosti.

#### **Član 22.**

Centralna, entitetska i lokalne evidencije sadrže lične podatke navedene u članu 15. ovog zakona, kao i dodijeljene JMB-e.

#### **Član 23.**

Nadležni organi dužni su redovno dostavljati sadržaj svoje lokalne evidencije Agenciji.

Agencija dostavlja podatke iz centralne evidencije nadležnim organima kako bi oni izvršavali svoje dužnosti propisane zakonom.

#### **Član 24.**

Lični podaci lica koje je iz bilo kojeg razloga izgubilo državljanstvo BiH ili stranog državljanina koji je izgubio svoj status prema članu 30. ovog zakona brišu se iz evidencije JMB-a, s tim što se JMB i dalje vodi u centralnoj i lokalnim evidencijama kao poništen.

U slučaju iz prethodnog stava organ koji donese rješenje o gubitku državljanstva BiH ili o gubitku statusa stranog državljanina prema članu 30. ovog zakona, obavještava nadležni organ koji je izdao JMB u roku od 30 dana od dana stupanja na snagu rješenja. Nadležni organ briše JMB u roku od 15 dana od dana prijema rješenja i odmah o tome obavještava organ koji je izdao rješenje i lice čiji se JMB briše.

#### **Član 25.**

Organi ovlašteni za vođenje i održavanje evidencije prema članu 21. mogu prikupljati, obrađivati, pohranjivati i koristiti lične podatke sadržane u evidenciji samo u svrhu provođenja ovog zakona, ako se zakonom ne propisuje drugačije.

Svaka upotreba ličnih podataka vezanih za strane državljane vrši se u skladu s principima iz Zakona o kretanju i boravku stranaca i azilu („Službeni glasnik BiH“, broj 36/08).

## **Član 26.**

Državljanin odnosno stranac kojem je dodijeljen JMB, ima pravo da bude obaviješten o tome da li se njegovi lični podaci nalaze u evidenciji, kao i da mu se ti podaci saopšte u jasnoj formi.

U slučaju da se utvrdi da su ti podaci obrađeni nezakonito ili nepravilno, lice iz stava 1. ovog člana ima pravo da se njegovi podaci isprave odnosno ponište.

## **Član 26a.**

Državljanin može podnijeti zahtjev za izdavanje uvjerenja o činjenicama iz evidencije elektronskim putem preko portala nadležnih organa iz člana 3. ovog zakona sa sigurnim elektronskim potpisom ovjerenim kvalificiranom potvrdom koju izdaje Agencija shodno Zakonu o Agenciji, a nadležni organ traženo uvjerenje može dostavi elektronskim ili pismenim putem, kako to stranka u svom zahtjevu navede.

Nadležni organ će rješenjem odbiti zahtjev za izdavanje uvjerenja, ako utvrdi da elektronski potpis nije u skladu sa zakonskim uslovima.

Agencija pruža tehničku podršku nadležnim organima iz člana 3. zakona u vršenju aktivnosti iz stava 1. ovog člana, o čemu donosi posebno uputstvo. Na ovaj način mogu se tražiti samo uvjerenja oslobođenja od plaćanja takse.

## **Član 27.**

Agencija i nadležni organi obavezni su da preduzmu odgovarajuće mjere obezbjeđenja radi zaštite svih podataka sadržanih u centralnoj, entitetskoj i lokalnoj evidenciji i svih podataka koji se prenose drugim ovlaštenim organima u skladu sa Zakonom o Agenciji.

## **Poglavlje VI. PONIŠTAVANJE I ZAMJENA JMB-a**

## **Član 28.**

Ukoliko nadležni organ licu nepravilno dodijeli JMB, taj JMB se poništava i dodjeljuje mu se novi JMB.

Ukoliko nadležni organ pogrešno dodijeli licu dva ili više JMB-a, prvi dodijeljeni JMB je važeći, a ostali se poništavaju.

Ako dva ili više lica imaju isti JMB, nadležni organ odnosno organi poništavaju sve JMB-e osim prvog evidentiranog JMB-a u centralnoj evidenciji. Nadležni organ odnosno organi naknadno dodjeljuju novi JMB kojim se zamjenjuje poništeni JMB.

Ako je licu dodijeljen novi JMB zbog okolnosti utvrđenih u prethodnim stavovima ovog člana, ono ne snosi troškove obrazaca i taksi koji se zaračunavaju prilikom izdavanja javnih isprava u koje se upisuje JMB.

Poništavanje odnosno zamjena JMB-a na osnovu ovog člana vrši se u roku od 15 dana od dana kada nadležni organ primi obavještenje da je JMB dodijeljen nepravilno ili greškom.

Nadležni organ nakon donošenja odluke o poništavanju JMB-a prema odredbama prethodnih stavova, o tome obavještava lice iz prethodnih stavova, matični ured u kojem je lice upisano u matičnu knjigu rođenih i organ kod kojeg se vodi evidencija o tog lica (odnošno boravištu raseljenog lica), kao i organ koji je zahtijevao poništavanje JMB-a i druge organe prema potrebi.

Poništeni JMB se ne može dodijeliti drugom licu.

### **Član 29.**

Organ koji donosi rješenje o ispravci upisanog dana, mjeseca i godine rođenja, kao i organ koji donosi rješenje o upisu promjene spola i potpunog usvojenja dužan je u roku od 30 dana od pravosnažnosti rješenja dostaviti jedan primjerak rješenja nadležnom organu.

Nakon što primi rješenje iz prethodnog stava nadležni organ u roku od 15 dana poništava JMB i izdaje novi. Nadležni organ obavještava lice koje je u pitanju i organ koji donosi rješenje kako bi ih obavijestio o novom JMB-u (napomena: potrebno je izmijeniti i drugi dio rečenice da glasi: „i organ koji donosi rješenje o novom JMB“).

## **Poglavlje VII. POSEBNA PRAVILA ZA DODJELJIVANJE JMB-a STRANIM DRŽAVLJANIMA**

### **Član 30.**

JMB se dodjeljuje stranim državljanima koji, u skladu s odlukom organa nadležnog za utvrđivanje statusa stranog državljanina, ima:

1. odobren stalni boravak u BiH
2. odobren status izbjeglice u BiH u skladu sa Zakonom o kretanju i boravku stranaca i azilu
3. odobren status lica bez državljanstva u BiH.

JMB se dodjeljuje i djeci čija su oba roditelja strani državljani i pripadaju jednoj od kategorija navedenih u tač. 1. i 2. prethodnog stava, ako su djeca rođena u BiH. Djétetu koje je rođeno u BiH i koje pripada kategoriji iz tačke 3. prethodnog stava JMB se dodjeljuje na osnovu njegovog državljanstva BiH.

### **Član 31.**

JMB za strane državljane određuje i dodjeljuje MCP.

### **Član 32.**

JMB za strane državljane se dodjeljuje na zahtjev organa koji je utvrdio status stranog državljanina u skladu s članom 30. ovog zakona.

Organ iz prethodnog stava dužan je da MCP-u podnese zahtjev za dodjeljivanje JMB-a za stranog državljanina.

Zahtjev za dodjelu JMB za stranog državljanina podnosi se u roku od 30 dana od dana rješavanja statusa tog stranog državljanina i sadrži sljedeće podatke: ime i prezime stranog državljanina (i djevojačko ime, ako odgovara) ime jednog roditelja, spol, dan, mjesec i godinu rođenja mjesto i državu rođenja i državljanstvo.

U zahtjevu za dodjelu JMB-a za strane državljane djetetu stranih državljana koji pripadaju kategoriji iz člana 30. stav 1. tač. 1. i 2. ovog zakona, koj je rođeno u BiH, navodi se i prezime i ime oba roditelja i njihovi JMB-i, ukoliko su im dodijeljeni.

MCP je dužan da izda JMB strancu u roku od 15 dana od dana podnošenja zahtjeva iz prethodnih stavova ovog člana. Nadležni organ o tome odmah obavještava lice kojem se dodjeljuje JMB i organu koji je podnio zahtjev za dodjelu JMB-a u smislu stava 1. ovog člana.

### **Član 33.**

JMB stranog državljanina ima istu strukturu kao i JMB državljana BiH, uz izuzetak da broj registra (IV. grupa) sadrži broj 01.

### **Član 34.**

JMB za strane državljane dodjeljuje se na osnovu podataka koje dostavlja organ nadležan za odobravanje statusa iz člana 30. ovog zakona. JMB djeteta čija su oba roditelja strani državljani dodjeljuje se na osnovu podataka sadržanih u izvodu iz matične knjige rođenih djeteta.

### **Član 35.**

Stranac koji je stekao državljanstvo BiH u roku od 30 dana od dana sticanja državljanstva podnosi zahtjev za dodjelu JMB-a u skladu s poglavljem III. ovog zakona.

U roku od 15 dana od podnošenja zahtjeva i prije izdavanja novog JMB-a nadležni organ zahtijeva od MCP-a poništenje prethodnog JMB-a.

### **Član 36.**

U slučaju da u ovom poglavlju nema posebnih odredbi za strane državljane, postupak dodjeljivanja, korištenja, poništavanja izmjene JMB-a stranih državljana je isti kao i za državljane BiH.

## **Poglavlje VIII. PRIJELAZNE ODREDBE**

### **Član 37.**

Organi u entitetima i Brčko Distriktu Bosne i Hercegovine, koji su obavljali poslove iz oblasti JMB-a prema propisima koji su važili do stupanja na snagu ovog zakona, dužni su da najkasnije u roku od 60 dana od dana

stupanja na snagu ovog zakona dostave MCP-u na magnetnom mediju sve evidencije o JMB-u koje posjeduju, a koje sadrže podatke o JMB-ima dodijeljenim na osnovu tih propisa.

#### **Član 38.**

Lice kojem je dodijeljen JMB u BiH prije stupanja na snagu ovog zakona zadržava dodijeljeni JMB.

#### **Član 39.**

Lice kojem je dodijeljen JMB u jednoj od republika bivše SFRJ prije stupanja na snagu ovog zakona zadržava dodijeljeni JMB osim ako mu nije dodijeljen i JMB u BiH, kada zadržava JMB koji mu je dodijeljen u BiH.

#### **Član 40.**

Državljanin BiH, odnosno stranac koji je zadržao JMB dodijeljen u smislu čl. 38. i 39. dužan je da prijavi svoj JMB nadležnom organu po mjestu prebivališta u roku od šest mjeseci od dana stupanja na snagu ovog zakona, ukoliko se ovim zakonom ne predviđa drugačije.

Lice iz stava 1. ovog člana dužno je dostaviti nadležnom organu dokument koji sadrži JMB (npr. izvod iz matične knjige rođenih, ličnu kartu).

Ako lice iz prethodnih stavova nije u mogućnosti da nadležnom organu dostavi dokument koji sadrži njegov JMB, a nadležni organ nema nikakvu evidenciju JMB-a, JMB u BiH mu dodjeljuje nadležni organ prema proceduri utvrđenoj u članu 46. ovog zakona.

#### **Član 41.**

Državljanin BiH koji živi u inozemstvu i zadržao je JMB dodijeljen u BiH ili jednoj od republika bivše SFRJ dužan je da u roku od šest mjeseci od dana stupanja na snagu ovog zakona prijavi svoj JMB i da dostavi dokument koji sadrži JMB MCP-u putem najbližeg DKP-a i Ministarstva vanjskih poslova BiH. Ministarstvo vanjskih poslova BiH dostavlja tu informaciju MCP-u. MCP dokumentaciju proslijeđuje nadležnom organu prema posljednjem prebivalištu lica, odnosno, ako takvog prebivališta nema, nadležnom organu u mjestu u BiH s kojim lice može uspostaviti efektivnu vezu.

Ako lice iz prethodnih stavova nije u mogućnosti da nadležnom organu dostavi dokument koji sadrži njegov JMB, a nadležni organ nema nikakvu evidenciju JMB-a, JMB u BiH mu dodjeljuje nadležni organ prema proceduri utvrđenoj u članu 47. ovog zakona.



#### **Član 42.**

Izbjeglica iz BiH koji je zadržao JMB dodijeljen u BiH ili jednoj od republika bivše SFRJ dužan je da u roku od šest mjeseci od dana stupanja na snagu ovog zakona prijavi svoj JMB i da dostavi kopiju dokumenta koji sadrži JMB-MCP-u putem najbližeg DKP-a i Ministarstva vanjskih poslova BiH.

Ako izbjeglica iz prethodnog stava nije u mogućnosti da dostavi dokument koji sadrži njegov JMB, a MCP nema nikakvu evidenciju JMB-a, JMB u BiH mu dodjeljuje MCP prema proceduri utvrđenoj u članu 48. ovog zakona.

#### **Član 43.**

Raseljeno lice koje je zadržalo JMB dodijeljen u BiH ili u jednoj od republika bivše SFRJ dužan je da prijavi svoj JMB i da dostavi dokument koji sadrži njegov JMB nadležnom organu u mjestu boravišta u roku od šest mjeseci od dana stupanja na snagu ovog zakona ili u roku od 60 dana od dana uspostavljanja boravišta u BiH.

Ako raseljeno lice iz prethodnog stava nije u mogućnosti da dostavi dokument koji sadrži njegov JMB, a nadležni organ nema nikakvu evidenciju JMB-a, JMB u BiH mu dodjeljuje nadležni organ prema proceduri utvrđenoj u članu 49. ovog zakona.

#### **Član 44.**

Povratnik koji je zadržao JMB dodijeljen u jednoj od republika bivše SFRJ dužan je da prijavi svoj JMB i da dostavi dokument koji sadrži njegov JMB nadležnom organu u mjestu prebivališta prije sukoba u roku od šest mjeseci od dana stupanja na snagu ovog zakona ili u roku od 60 dana od dana povratka u mjesto prebivališta prije sukoba.

Ako povratnik iz prethodnog stava nije u mogućnosti da dostavi dokument koji sadrži njegov JMB, a nadležni organ nema nikakvu evidenciju JMB-a, JMB u BiH mu dodjeljuje nadležni organ u mjestu prebivališta prije sukoba prema proceduri utvrđenoj u članu 50. ovog zakona.

#### **Član 45.**

Lice, uključujući stranca, izbjeglicu, raseljeno lice ili povratnika, kojem je dodijeljen JMB na osnovu ranijih propisa a koje ne posjeduje nijedan dokument koji sadrži njegov JMB može zatražiti da ga MCP obavijesti o JMB-u. Ako MCP raspolaže tom informacijom, dužan je da lice obavijesti u roku od 15 dana od dana kada je primio njegov zahtjev ili u roku od 15 dana od dana kada je dobio tu informaciju.

#### Član 46.

Državljaninu BiH ili strancu kojem prije stupanja na snagu ovog zakona nije dodijeljen JMB u skladu s ranijim propisima JMB dodjeljuje nadležni organ u mjestu prebivališta.

Lica iz prethodnog stava ovog člana dužna su da se obrate nadležnom organu u roku od šest mjeseci od dana stupanja na snagu ovog zakona, u svrhu dobivanja JMB-a, kao i da dostave nadležnom organu izvod iz matične knjige rođenih i dokaz o državljanstvu, ukoliko ovim zakonom nije predviđeno drugačije.

Nadležni organ dužan je izdati JMB u roku od tri mjeseca od dana podnošenja zahtjeva u skladu s prethodnim stavovima ovog člana. Nadležni organ o tome bez odgađanja obavještava lice koje je podnijelo zahtjev i nadležni matični ured.

#### Član 47.

U roku od šest mjeseci od dana stupanja na snagu ovog zakona, državljanin BiH koji živi u inozemstvu a kojem nije dodijeljen JMB prema ranijim propisima, zahtjev za dodjelu JMB-a podnosi najbližem DKP-u, uz koji prilaže izvod iz matične knjige rođenih i dokaz o državljanstvu BiH. Ovu informaciju DKP šalje Ministarstvu vanjskih poslova BiH koje je prosjeđuje MCP-u. MCP dokumentaciju dalje prosjeđuje nadležnom organu u mjestu posljednjeg prebivališta lica, a ako takvog mjesta nema, nadležnom organu u mjestu u BiH s kojim lice može uspostaviti efektivnu vezu.

Nadležni organ dužan je da izda JMB u roku od tri mjeseca od dana prijema zahtjeva iz prethodnog stava. Nadležni organ o tome bez odgađanja obavještava lice koje je podnijelo zahtjev putem kanala opisanih u prethodnom stavu, kao i nadležni matični ured.

#### Član 48.

Izbjeglici iz BiH kojem prije stupanja na snagu ovog zakona nije dodijeljen JMB na osnovu ranijih propisa JMB dodjeljuje MCP.

U roku od šest mjeseci od dana stupanja na snagu ovog zakona, izbjeglica iz BiH kojem nije dodijeljen JMB na osnovu ranijih propisa dužan je da podnese zahtjev MCP-u za dodjelu JMB-a. Zahtjev podnosi putem najbližeg DKP-a i Ministarstva vanjskih poslova BiH i uz njega prilaže kopiju izvoda iz matične knjige rođenih i dokaz o državljanstvu.

MCP je dužan da izda JMB u roku od tri mjeseca od dana prijema zahtjeva iz prethodnih stavova ovog člana. MCP bez odgađanja o tome obavještava nadležni matični ured i izbjeglicu na način opisan u prethodnom stavu.

U slučaju da izbjeglica nije u mogućnosti da dostavi izvod iz matične knjige rođenih ili dokaz o državljanstvu, ima pravo da dokaže postojanje tih dokumenata na drugi način (npr. putem izjave koju da on ili druga lica u njegovu korist).

#### **Član 49.**

Raseljenom licu kojem prije stupanja na snagu ovog zakona nije dodijeljen JMB u skladu s ranijim propisima JMB dodjeljuje nadležni organ u mjestu boravišta.

Raseljeno lice iz prethodnog stava ovog člana dužno je da se obrati nadležnom organu u roku od šest mjeseci od dana stupanja na snagu ovog zakona ili u roku od 60 dana od dana uspostavljanja boravišta u BiH sa zahtjevom za dobivanje JMB-a, uz koji prilaže kopiju izvoda iz matične knjige rođenih i dokaz o državljanstvu.

Nadležni organ dužan je da izda JMB u roku od tri mjeseca od dana podnošenja zahtjeva u skladu s prethodnim stavovima ovog člana. Nadležni organ o tome bez odgađanja obavještava lice koje je podnijelo zahtjev i nadležni matični ured.

U slučaju da raseljeno lice nije u mogućnosti da dostavi izvod iz matične knjige rođenih ili dokaz o državljanstvu, ima pravo da dokaže postojanje tih dokumenata na drugi način (npr. putem izjave koju da on ili druga lica u njegovu korist).

#### **Član 50.**

Povratniku kojem prije stupanja na snagu ovog zakona nije dodijeljen JMB na osnovu ranijih propisa JMB dodjeljuje nadležni organ u mjestu prebivališta prije sukoba.

Lice iz prethodnog stava dužno je da, u roku od šest mjeseci od dana stupanja na snagu ovog zakona ili u roku od 60 dana od dana uspostavljanja prebivališta u BiH, podnese zahtjev nadležnom organu za dodjelu JMB-a, uz koji prilaže kopiju izvoda iz matične knjige rođenih i dokaz o državljanstvu.

Nadležni organ dužan je da licu dodijeli JMB u roku od tri mjeseca od dana podnošenja zahtjeva u skladu s prethodnim stavovima ovog člana. Nadležni organ o tome bez odgađanja obavještava lice koje je podnijelo zahtjev i nadležni matični ured.

U slučaju da povratnik nije u mogućnosti da dostavi izvod iz matične knjige rođenih ili dokaz o državljanstvu, ima pravo da dokaže postojanje tih dokumenata na drugi način (npr. putem izjave koju da on ili druga lica u njegovu korist).

#### **Član 51.**

Ukoliko ovim zakonom nije predviđeno drugačije, roditelj, staratelj odnosno zakonski zastupnik dužan je da prijavi JMB koji je ranije dodijeljen maloljetnom djetetu prema odgovarajućoj proceduri iz čl. 40. do 45. ili da prijavi maloljetno dijete kojem nije dodijeljen JMB, u skladu s odgovarajućom procedurom iz čl. 46. do 50.

### **Poglavlje IX. KAZNE NE ODREDBE**

#### **Član 52.**

Ukoliko odgovorno lice u nadležnom organu ne obavlja svoje dužnosti u skladu s ovim zakonom, kaznit će se za prekršaj novčanom kaznom u iznosu od 200 KM do 1.000 KM.

### **Član 53.**

Novčanom kaznom u iznosu od 30 KM do 300 KM kaznit će se za prekršaj:

- a) lice koje ne podnese zahtjev za dodjelu JMB-a u propisanom roku
- b) roditelj, staratelj odnosno zakonski zastupnik koji u propisanom roku ne prijavi svoje maloljetno dijete radi dodjeljivanja JMB-a.

### **Član 54.**

Prekršajni postupak za prekršaje utvrđene ovim zakonom vodi se u skladu s odgovarajućim zakonima o prekršajima entiteta i Brčko Distrikta Bosne i Hercegovine.

## **Poglavlje X. ZAVRŠNE ODREDBE**

### **Član 55.**

MCP vrši nadzor nad provođenjem ovog zakona tako što:

- a) kontrolira zakonitost upravnih akata i radnji nadležnih organa
- b) predlaže i pokreće postupak ocjene zakonitosti upravnih akata nadležnih organa
- c) nalaže nadležnom organu izvršenje obaveza utvrđenih ovim zakonom
- d) donosi uputstva i instrukcije za postupanje nadležnih organa.

U roku od 30 dana od dana objavljivanja ovog zakona u "Službenom glasniku BiH", MCP donosi podzakonske akte kojima uređuje:

- a) formu obrasca i način izdavanja, poništavanja i zamjene JMB-a
- b) raspored i način definiranja raspona cifara V. grupe JMB-a
- c) nadzor nad provođenjem ovog zakona
- d) određivanje kontrolnog broja JMB-a u skladu s članom 7. ovog zakona
- e) sva ostala pitanja neophodna za provođenje ovog zakona.

Agencija donosi podzakonski akt iz člana 26a. ovog zakona u roku od 90 dana od dana objavljivanja ovog zakona u "Službenom glasniku BiH".

#### **Član 56.**

Danom stupanja na snagu ovog zakona prestaju da važe svi zakoni i propisi kojima su se do tada regulirala pitanja vezana za JMB i koji su se primjenjivali u Bosni i Hercegovini.

#### **Član 57.**

~~Ovaj zakon stupa na snagu 90 dana od dana objavljivanja u "Službenom glasniku BiH", a objaviće se u službenim glasilima entiteta i Brčko Distrikta Bosne i Hercegovine.~~